

INUIT ATAQATIGIIT

Inatsisartuni



UPA 2019/pkt.nr. 190
30. april 2019
Stine Egede

Imartami sillimaniarnerup, umiarsuarnik nalunaarsuinerup, inatsiseqarnerup il.il. tamakkiisumik oqartussaaffigineqalersinnaaneri pillugit Naalakkersuisut UPA2020-mi nassuiaammik saqqummiussinissamik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Henrik Fleischer, Siumut)

Siullermik Henrik Fleischer, Siumut qutsavigiumavarput siunnersuummut soqutigintumut siunnersuuteqarneranut.

Kalaallit Nunarput sineriarujussuaqarpoq naassaanningajavissumik.

Ukiopassuarni imartarujussuarput angallaviulluarsimavoq, qaannamik, umiamik maannalu umiarsuarujussuarnut allaat angallavigilerpaat.

Ajoraluartumik ukiuni kingullerni umiatsianik nalunaartussaataitanerminnik unioqqutitsisunit ilaatigut nunarput tikinneqartarpoq.

Eqqaamassavarput ukiualuit matuma siorna, tingerlaatersorlutik ikiaroonartumik annertuumik eqqusseriarualuartut piaarinaatsoonerinnakkut paasineqarlutik unitsinneqarmata.

Tusartualernikuuvagut tingerlaataannallit nunatta pisuussutaanik, ujaqqanik, timmissallu manniinik katersiartortartut.

Nakkutilliinermi ullumikkut ataavartumik ingerlanneqanngilaq, aatsaalli pasitsaasisoqartillugu, nalunaarutiginnittoqartillugulu misissuisoqartarpoq.

Siunissami aamma nunarput avannaqqullugu angallanneq annertusigaluttuinnartusatut isikkoqarpoq, tassami silaannaap allanngoriartornerata ilutigisaanik sikuusarnera sivikilliartuinnarpoq.

Tamatuma kingunerisinnaavaa qularnanngitsumik takornariat allallu tassuuna ingerlaartalernissaat.

Siunnersuuteqartoq isumaqatigaarput, taamaattorli aamma Naalakkersuisut oqariartuutaat, tassalu siunnersuutip allannguallatsinneqarsinnaanera tusaavarput.

Nalunaarusiortoqareersimanerami qujanarpoq, taamaammallu ataqatigiissaakkamik nalilersuisoqarnissaa isumaqatigaarput.

Siunnersuut soqutiginarpoq, sukumiisumik eqqartorneqarnissaa kissaatigalugu ataatiimitaliame sukumiisumi oqaluuserisassanngortillugu ingerlateqqipparput.

Qujanaq.